

宜城縣志卷之八

列女志

歐陽公五代史進斷臂妻以愧長樂老人良謂妻道與臣道並重從一大節無容誣也宜土瘠而民向義漢廣雅化風流自昔一時稱閨中秀有林下風者允光彤史而栢舟載詠嶽嶽懷方且有甘玉碎毋爲瓦全者誰謂巾幗中無鬚眉氣耶幸逢聖代典重旌揚凡屬幽潛悉與闡顯庶幾冰霜之在抱永與日月而齊輝

周浣沙女邑浣沙嘴人伍員逃楚奔吳已渡江遇女浣

宜城縣志

卷八

列女志

沙顧謂曰追者至詰子必得吾踪奈何女奮然曰妾觀子義士第去勿慮遂抱石投江以死明已不洩伍員回救不及識其死處稱爲浣沙女既破楚覓骸厚塋以鐵汁灌墓固之後人名其墓爲金汁塚地曰浣沙嘴

按越絕書伍員奔吳渡江遇女子飽以簞飯子胥戒勿洩女子遂投水死與志語浣沙女大同惟紗沙字異又瀨水在溧陽界內非宜境地縣志豈附會其說與然浣沙嘴金汁塚遺蹟較然故諸志相仍不廢而此女特冠列女傳似別有所據典籍散

忘真譌不可知與其過而廢也毋寧過而存之

漢彭娥遭時亂方出汲聞賊至棄汲器走賊追及之轉身與鬪被賊縛至溪邊將汚之臨溪有峭壁娥以頭觸石大呼曰皇天有神否我豈受汚於賊奴山忽裂數丈娥遂趨入賊急挽留山已復合在賊即時壓斃娥亦不知所往遺汲器化爲石形似雞因號山曰石雞山潭曰女娥潭

唐甄逢之母亡其姓氏居故襄城內有節行夫死撫子逢以學行爲助教與昌黎韓愈善

明張氏馮允安妻年十六夫亡撫遺腹子萬木翁姑以

宜城縣志

卷八

列女志

二

其少艾慮不終節頗令改嫁張剪髮自誓甘貧撫孤五十餘年志如初內外異之

王氏生員郭繡妻繡沒氏年方二十六止遺一女賃房以居辟纊而食姊憐其幼且貧勸之嫁誓以死守拒其姊不納絕往來茹苦三十餘載朝不保暮操逾厲縣令雷嘉祥聞而矜之爲之構屋資薪米死爲詩文誄之仍立碑通衢以彰其節

廖女家龍王洲年十六聞所字壻故誓以死殉父母多方溫諭不食僵卧乘伺者間溺水死死之日虹光燭天奏請立坊表曰貞烈貫日

彭氏舉人胡觀妻觀卒遺子來獻未滿歲氏年甫二十  
五慟欲身殉翁解之曰死節與撫孤孰難乃勉作未  
亡人家貧或竟日不舉火甘心窮餓不向成鄰假貸  
來獻知言笑即督學不倦年將冠入學食餼每歲寒  
食氏哭夫不計日遂至喪明節聞三院交旌其門來  
獻由廩陞貢官江西學博孫奕中萬歷乙卯舉人  
朱氏舉人尹恂妻年二十四夫亡無出撫妾許氏遺腹  
子承宗妾尋故氏鞠妾子如巳子姑年八十奉養備  
隆甘旨自食惟粗糲一盂僅取充餒承宗列庠序有  
聲祝融煽災比屋俱燼尹宅特全當事嘉之表其門

宜城縣志

卷八

列女

三

王氏貢生何遠妻年二十而孀繼姑葉氏逼其嫁誓死  
不從撫二子呈圖獻圖皆列庠序三院匾獎

劉氏生員于躍妻幼孀矢節撫三子俱列膠庠稱一覺  
之雋邑令陳美詳請坊表

閔氏舉人黃會極妻通書史語言溫雅類宿儒助夫勤  
學侍奉無間寒夜夫卒四十餘年足不離閨闈亂後  
家落甘貧矢貞以壽終

郭氏生員劉鑑妻鑑亡氏年二十餘矢志撫育一子一  
女子亦無年倚女終志七十三歲卒

何氏生員張暎妻崇禎九年流賊薄城外奎挈氏及

子順童避亂遇賊被執氏抗罵不屈賊怒殺之順童甫七歲抱母號痛賊並殺之臨死猶兩手挽母衣不釋是日天地晦冥後人以母子並葬紫陽觀左縣令熊文昌碑記其事過其地者嘗聞鬼哭聲

羅氏二女生員羅成錦女當闖賊陷城皆義不受汚隨父成錦投城濠死

邱夫人龔氏東閣大學士瑜妻李賊踞襄陽遣賊黨至其家露刃牽之出詎曰賊奴此吾宅將安往賊怒立殺之媳廖氏及兩女俱投井死

吳氏生員龔必達妻遭闖賊亂罵賊投河死

宜城縣志

卷八

列女志

四

國朝黃氏生員梁京良妻年十九而孀止遺一女茹荼守志事鍼紉奉舅姑立嗣爲後未幾嗣子復故女年十七贅庠生張恬性閱三載婿又歿母女相倚終節雍正六年 旌

邱女四大廩生邱剛中女字劉班齡未嫁而班齡故女聞計遂自縊死郡守尹會一縣令藺璫皆褒以匾額梁氏李繼先妻夫歿遺一子氏年二十二孝翁姑撫遺子永操苦節壽至八十二歲

吳氏生員羅鎬妻年二十六夫歿矢志撫三子每就夫靈前訓誡勉以成立長子于廷次子于序俱庠生壽

八十三卒乾隆五年 旌

申氏李維京妻年二十六而孀立姪澍爲嗣撫育訓誨如親生卒年八十九以節終

梁氏童生黃毓秀妻年二十一夫歿貞心矢志節撫三歲兒廷爵成立卒年六十有五

韓氏童生鄒登岐妻年二十四而孀矢志守節孝養舅姑後夫弟登元登嶸相繼歿養葬悉出氏力以節終曾氏童生鄒登岸妻年二十六夫故事翁姑盡禮撫子宏經成立以壽終

許氏生員鄭師僑妻年二十二而寡遺子甫三月矢志宣城縣志

卷八

烈女志

五

撫孤以節終乾隆六年 旌

邱氏庠生高圻妻年二十六而孀撫姪曰銓爲嗣銓沒又撫曰鎮爲嗣劉氏庠生高垣妻年二十七而孀遺子甫五月撫育成立周氏高塋妻年二十二而孀痛欲身殉翁姑命撫姪曰銘爲嗣乃勉承命李氏高型妻年二十八而孀撫孤守志四孀同居備茹荼苦俱以壽終

梁氏梁京良女生員張恬性妻結褵三載而夫歿年甫二十迎孀母同居撫遺孤永蘖自守無愧母操

許氏陶宏緯妻年二十二而孀矢志守節乾隆十二年

旌

張氏童生劉邦楣妻年二十三而孀矢志撫孤閱六年子殤貞操不改以壽終乾隆二十年 旌

馬氏生員章宏邦妻年二十五夫歿堅志守節孝事翁姑撫遺子成名以壽終

于氏生員章起潛妻年二十六夫歿痛欲身殉以首撞棺額爲之碎昏倒數次眷屬力勸乃止癩痕至老猶存撫子青藜補儒學弟子員以壽終

李氏劉邦禎妻年二十三而孀守志完節

楊氏生員張珥妻年二十一而孀紡績甘貧堅志撫孤

宜城縣志

卷八

列女志

六

以壽終

張氏熊祥妻年二十二而孀守志養姑五十三歲卒

王氏劉沅妻年二十一而孀撫孤完節

趙氏生員楊翰國妻年二十五而孀葬夫葬姑皆竭力盡禮訓子元賓成立

熊氏王瀚妻年二十一而孀矢志終節

朱氏生員王宗昶妻年二十六而孀苦志四十五年

朱氏嚴思敬妻年二十二而孀撫孤守節六十八歲卒

以上道志

于氏江濬川妻年二十一夫亡無子甘貧守志紡績奉

姑繼立一子一女盡心撫之乾隆七年 旌

黃氏儒童邱嶧妻年二十生一女夫亡氏脫簪珥以殮  
殯葬如禮嗣姪本中承祧歷節三十九年乾隆九年  
旌

李氏王宰妻年二十三夫亡遺孤五月斷髮誓志訓子  
成立苦節四十餘年痛夫喪明乾隆十一年 旌

黃女靜大椒里園黃廷舉長女也幼許字孫世賢次子  
璉年十九夫家已請期而璉夭亡氏聞訃哀痛幾絕  
亟請往弔屈於父阻璉亡已七日父偶外出女密裹  
備嫁衣物央鄰媪引至夫家哭焚靈前時翁姑皆病

宜城縣志

卷八

列女志

十一

卧留侍湯藥浹旬病差乃歸告家人曰不孝女志已  
畢不可復留人世伺父母防少懈潛入房更新衣自  
縊氣絕逾時面容如生葬所隔墻墳二里許夜間常  
有雙燐往來里人驚異乾隆十一年 旌

陳氏儒童劉煌妻年二十三夫歿撫孤守志盡力養姑  
推養及母歷節四十餘年乾隆十四年 旌

覃氏李嘉樂妻年十八嫁一載夫亡撫遺腹子成立奉  
養嫡庶兩姑苦節三十餘年乾隆二十二年 旌

楊仲姐生員楊大秀次女秉性幽貞恬靜寡言出入一  
遵母訓字儒童何友唐年十七未于歸而友唐亡痛

欲身殉母黨勸阻哀籲父母許之往弔時已葬矣哭於墳哀痛幾絕歸即自縊乾隆二十二年 旌

薛氏丁文達妻年十九夫故子甫月餘矢志撫孤事姑終養乾隆二十一年郡守陳給匾額褒獎

王氏劉源妻年二十一夫故遺腹子世寬氏孝於事親勤於課子世寬旋入邑庠人以為母教有方壽八十餘

王氏儒童李鍾妻年二十一夫亡撫遺腹子宗澹事繼姑以孝稱年七十五督學使者陳獎給匾額

鄧氏熊彩妻乾隆十年 旌

宜城縣志

卷八

列女志

八

劉氏尹楚倫妻夫亡子梅甫三歲氏年二十三家赤貧為人傭浣濯紡績以養姑梅長克肖曲奉甘旨如氏之養姑攝縣事孟令稱為蓬華貞婦郡守陳鏐以懷清茹蘖表其門乾隆三十二年 旌

陳女素貞漢東陳源女也許字周盛雍正五年盛歿女時年甫十七聞計投繯父母救止力請往夫家祭奠遂留事舅姑勤苦奉養既而舅姑相繼亡父母欲奪其志女聞剪髮以誓父母乃聽之晚年依母家終節事父母亦孝有疾亟請身代乾隆二十一年郡守陳鏐給守貞不字匾褒獎之乾隆五十年 旌

上府



熊氏吏員劉邦楷妻年二十八夫亡矢志事繼姑以孝稱撫遺子章入黌序乾隆二十四年 旌

李氏張士舉妻偶有強暴欲犯之不從爲所殺部議節烈可風乾隆二十四年 旌

李氏儒童趙永佑妻年十九夫故以紡績養姑終其志乾隆二十七年 旌

張女二大張寬女也孫鳳云以刃脅姦不從死之乾隆二十九年 旌

胡氏儒童李鑼妻年二十一夫亡遺子宗緒甫七月家貧紡績奉姑竟以勤起家子成立補國學生閭里稱

宣城縣志

卷八

列女志

九

其才節蕪優乾隆二十五年 旌

許氏儒童彭松妻年二十一夫故撫二歲子堅心從一家貧奉養姑及祖姑無缺柔滑子旋妖立堂姪思忠延其宗祀乾隆三十六年 旌

王氏儒童劉欽妻年十九夫亡遺子秉昂甫彌月勵節訓子入邑庠乾隆三十九年 旌

侯女玉大縣民侯二聘女也強暴左二泉圖姦女堅拒得免因自盡乾隆五十年 旌

劉氏儒童陳提妻二十二歲夫亡遺一女矢志甘貧以紡績養姑撫承祧姪入泮乾隆五十一年 旌

張氏龍公選妻二十三歲夫亡撫遺腹子成立苦守三十年以節終乾隆五十三年旌

王氏徐志禮妻年十九夫卒遺一子撫之子方成人又不祿乃撫遺孫食貧完節乾隆五十五年旌

黃氏傅玉妻二十三歲夫亡遺子正位殉死不得一志矢節事孀姑終養撫孤子成立壽八十六歲乾隆五十六年旌

鄭女桂英鄭元芬次女也許字張澗未嫁而澗故誓不改字投環畢命

劉氏周帝相妻老姑譚氏病痢垂危服藥無效帝相極宜城縣志

卷六

列女志

十

貧將殮身買棺劉潛割股煎湯以進姑病遂瘳刀痕亦平復無恙縣令陳龍友以性孝回天表其門

楊氏生員嚴玘妻年二十五而孀遺二子士友士章矢志守節義方教子士文成名

王氏嚴瑚妻年二十一夫故遺子士謹矢志撫孤二孀同居勵操苦守六十五年均以節終

孫氏余思德妻年十八夫亡矢節撫遺腹子煥孝事翁姑教子成名歷節三十一年

張氏生員曾瑾妻同庠張廷英姊幼習書契通列女傳歸魯十年育二子一女方嬰雅夫兄德溥武庠生以

任俠禦侮逮獄擬戍氏夫爲仲子矢以身代諮謀於張張力贊成其義遂誣服兄讞戍會昌城旦夫行後勵節愈堅備嘗辛苦孝養老姑教子成立及夫歿戍所遣未冠長子走三千里外扶櫬還鄉哀號動鄰里郡守張以柳盧遺則表厥宅嘉慶十一年旌子桂元由歲貢選枝江訓導道光十四年恭逢

覃恩馳封八品孺人

劉女大姑劉正邦女也方待字傭人劉綱乘間圖汚之女齧其臂固拒得免傭志未逞揚穢語汚嶼之女聞忿甚呼天自經正邦捕傭鳴之官署令張開雲勘

宜城縣志

卷八

列女志

十一

問得實置傭於法閤邑稱快嘉慶十四年奉部議

旌表入祀節孝祠邑貢生張炳詩紀其事中聯警句云剛心勵處銀牙碎介節完時玉骨寒蓋實錄也

吳氏張聲遠妻年二十三夫故守節四十七年嘉慶十四年旌

李氏龍柱妻年二十三夫故守節三十七年嘉慶十七年旌

孫氏孫登元女適朱培之子夫故少艾翁逼嫁不從矢志堅守撫子成立嘉慶二十四年旌

劉氏李尚志妻年二十二夫故撫三歲子芹芳守節三

十四年子芹芳入泮嘉慶二十四年 旌

曾氏儒童李煥妻年二十二而孀守節三十六年嘉慶二十四年 旌

張氏儒童黃桂妻年二十而寡守節三十四年嘉慶二十五年 旌

熊氏從九品趙開甲妻年二十二夫亡遺一女夫弟某謀再醮之氏矢節不回嗣姪如湖承祧事翁姑及太翁姑皆以孝聞守志五十一年壽七十二嘉慶二十四年呈舉節孝

李氏儒童鄭倫妻年二十一夫亡遺一女嗣姪德太承

宣城縣志

卷八

烈女志

十二

祧守節三十一年道光六年 旌

譚氏武童王興遠妻年二十二夫亡歷節三十八年道光八年 旌

劉氏生員李金妻值教匪難避未及遇賊以刃加頸脅問旗頭安往氏厲聲曰吾鄉皆懼法良善誓不從賊反我知旗頭爲誰賊怒殺之焚其室

王氏劉成雨妻嘉慶元年五月賊焚劫至里氏攜二女扶病夫走避之路遇賊殺其夫氏恐爲所污挾二女俱溺於水

劉氏黃紹熙妻值教匪難老翁病卧難行氏偕二女守

護不忍去賊至不屈皆被焚死家畜二犬環守四枯  
骸鄰犬不敢近鄉里義之

王民生員劉昂妻子婦王氏監生劉光第妻遇賊不屈  
皆被焚死

吳氏儒童胡開來妻三十一歲遭匪難不受賊污被焚  
死

羅氏胡開任妻拒賊不污被焚死

柳氏吳克紹妻年二十四美姿容賊至家太翁應安夫  
弟喜兒皆被害操刃逼氏大罵不屈被賊刃死

吳二女吳尚女也年十七未字聞賊至縊死宅後樹

宣城縣志

卷八 列女志

十三

胡氏生員劉玉楷妻年三十賊焚其屋大罵而死

李女舊站園李超安女也嘉慶五年賊掠蠻西氏被賊  
擄裹馬上拒罵不從賊刃其胸脇而死

易氏涂金榜妻匪亂偕鄰婦逃避塗遇賊隊喝曰爾諸  
婦肯隨營縫紉即得不死諸婦唯唯伏地氏獨張目  
罵曰我輩皆好人家婦女殺便死之誰甘爲若役賊  
怒爭刃之一賊目止之曰戮貞烈婦女上天不容舍  
之去諸婦悉免

李氏武生劉捷三妻匪掠漢東捷三團勇堵禦歿於陣  
賊蓄恨屠其家氏獨扶瞽目太翁逃免孝養終老

李氏胡杰妻匪亂氏夫從征陣亡氏守節閑家有丈夫概

李氏傅作楫妻匪亂氏年二十八夫禦賊板橋店被圍碎其屍氏拾骸殮葬誓以節終

胡氏李鳴玉妻年二十而孀當賊焰彌野翁柩殯堂氏慮延燒竭力藁葬負姑外逃免於難

胡氏王安民妻匪亂氏夫堵賊陣亡氏矢節撫二子成立養舅姑終老

邱氏儒童黃汝楫妻年二十三夫亡撫遺子矢志當教匪寇城西氏背負八十四歲老姑避難周道烽烟加

宣城縣志

卷

列女志

十四

以霖淖氏子身負重竟獲生全亂後疫行夫家四世髦悼皆病獨氏及弟婦章氏服侍湯藥寢食不遑自夏徂秋罔懈鄰婦率化爲順子紹修孫秉哲以次遊庠序氏明相瑜之裔孫女舉人會極之裔孫婦也人稱其貞淑有種無愧殉節龔夫人賢孝閔孺人云

邱女邑貢生黃陂訓導邱宜楷女儒童胡淮聘妻未于歸而淮故哭訴父母往弔夫靈遂依舅姑執箕帚終志嘉慶九年採入省志道光八年學憲王給匾獎之王氏龔銓妻年二十二夫亡矢志堅貞不出戶庭至親莫能睹其面歷節十五年卒人比之無瑕玉



家撫孤咸遵禮法壽八十二卒

胡氏楊藎臣妻年二十三夫亡遺一子甫週孝事孀姑撫成弱息

蔡氏王曰楠妻夫歿子幼好義樂施捨嘗獨修破隄湖石橋病涉稱便

李氏王星順妻年二十九夫亡生二子一女次子歲未週翁姑服纜閔氏矢節撫育子女閑家鞠產長子萬年次子鑑以次遊武庠道光八年學憲王題砥節懷清匾嘉獎

雷氏許光先妻年二十一夫亡姑失明氏事之曲盡孝宜城縣志

卷八 列女志

六

養撫遺腹子明德成立歷節二十四年身故以慈孝聞道光八年學憲王給匾褒獎孫逢太例職從九品雷氏張光烈妻翁歿夫繼歿子纔一歲養老姑畜幼子歷節六十九年

龔氏余科聯妻年二十九夫歿養翁姑撫遺子終節周氏羅燦妻二十六歲夫亡守節終志

邱氏庠生鄒光浩妻年二十九夫故孝養翁姑教子顯懿成貢生歷節二十八年卒

王氏余光元妻年二十七夫亡苦節三十七年

覃氏邱士乾妻年二十四夫亡撫四月孤四十九年



曾氏胡際興妻年二十二夫亡守節五十六年

覃氏聶萬松妻年二十八夫亡撫三子苦守四十七年

長子開運文庠生三子開揚武庠生

胡氏時河清妻年二十八夫亡守節三十四年子敬修

入監

王氏程梅妻年二十四夫亡守節三十六年

曾氏張壘妻年二十二夫亡守節三十四年

黃氏田家集窮阨女年十六適廖氏子越一載夫亡氏

撫遺腹子誓以死守藜藿度命境如荼介如石甘節

如飴以上採訪記

宜城縣志

卷八

列女志

十七

郭氏儒童黃熠妻年二十六而孀事繼姑倍加孝養俱

得翁姑歡子兆玉方孩弟榮亦幼氏均教以義方後

榮列邑庠子玉亦就從九職行人有病涉者氏勸翁

獨捐千金以造橋梁值歲薦饑復命子玉出穀數百

斛以濟貧乏守節四十一年道光十三年 旌

李氏賈璠妻嘉慶元年氏夫勦賊陣亡時氏年二十九

歲上事舅姑下撫孤子橋梁道路多所補葺子永超

就布政司經歷職守節三十七年道光十三年 旌

邱氏儒童魯福饒妻年二十二夫故善事舅姑教子裔

曾身列膠庠守節二十六年卒道光二十五年

旌傳詳藝文志

王氏李宜春妻年二十六夫故無子立姪爲嗣撫養教誨無異已出因業儒未就勸翁捐設義塾獲議叙八品銜未幾嗣子歿又撫遺腹孫俾克成立守節三十八年咸豐元年 旌

程氏儒童魏常泰妻年二十夫故子崇本幼多疾氏委曲調護愛而能勞俾克有成守節二十四年身故咸豐三年 旌傳詳藝文志

周氏儒童李啟綸妻年十八夫歿撫子鴻緒數歲亦妖立弟鳳來次子爲嗣飲食教誨不異親生歷節三十

宜城縣志

卷八

烈女志

六

四年咸豐二年 旌

龔氏張朝遠妻年二十八夫故家貧無子有勸之他適者輒拒不應苦節自守動有禮法鄰里咸敬憚之立兄子瑞芝爲嗣以養以教至於成立歷節五十三載年八十三以壽終咸豐十一年 旌

王氏儒童李作楫妻年二十七夫故姑老病氏能曲體親心多方就養教子必以義方俾得有成守節二十四年卒同治元年 旌

劉氏儒童龔燮海妻年二十九夫故姑喪子喪明氏委曲事奉甚得歡心子稍長出就外傳未嘗姑息守節

二十一年身故同治元年 旌

王氏儒童熊大綬妻年二十六夫故氏家素貧上事舅姑竭力盡志守節三十五年咸豐十一年 旌

鄭氏生員溫桂林妻年二十九夫故舅姑衰老孝養不倦家貧教子讀書以紡績佐其膏火之資歷節三十一年同治元年 旌

龔氏議叙八品李培成妻年二十五夫故守節三十六年咸豐十一年 旌

胡氏張慶麟妻年二十六歲夫故遺子炳鐘炳常俱幼氏備歷艱苦與夫弟雲麟內外夾輔俾克有成存年

### 宜城縣志

### 卷八

烈女志

十九

六十五歲同治元年 旌傳詳藝文志次子廩膳生炳常幼岐嶷勵志勤脩以勞勩卒媳魏氏年甫二十節矢柏舟克嗣徽音現年四十三歲苦志待 旌

魏氏儒童黃平妻平少雋異試輒冠其軍竟以苦學致短折氏時年二十家貧無子痛欲身殉然念姑與太姑俱老乃勉作未亡人而兩姑爲族人煽惑意欲嫁之氏微聞卽自縊以得救未死兩姑見其志堅乃哀慰之後姑病卧年餘氏躬侍湯藥病革呼天哀籲願以身代喪葬皆盡禮後葬太姑亦如之氏以一髮獨持兩世喪當大事無愧同治三年旌現年五十三

金氏楊文桂妻年二十八夫故家不中貲紡績自任不憚辛勤姑衰病氏竭力奉養甘旨不缺二子俱幼擇師教讀不稍姑息守節四十四年同治三年 旌

王氏屈功實妻年二十七而孀親老子幼氏支持家務備歷艱苦守節三十五年同治三年 旌

胡氏周仁垠妻年二十七夫歿遺一子甫就傅而殤立侄兆崙以承宗祧守節四十七年同治三年 旌

熊氏儒童周仁燕妻年二十九夫故遺二子長兆熙次兆崙嗣仁垠後氏與嫂胡氏盡心教養均皆成立守節三十二年同治三年 旌

宜城縣志

卷八

列女志

二十

陳氏周仁檢妻年二十九夫故無嗣弟仁溥僅一子兆棠遵祖遺囑兼承雙祧兆棠生三子後兆棠與子宏謨列邑庠皆氏教誨之力守節四十七年同治三年 旌

宋氏湖南長沙縣丞李如松之側室年二十八夫故正室早亡撫嫡子女諸孫無異已出恩養備至守節三十五年同治三年 旌

周氏刑部司獄銜李文廣妻年二十八夫故遺二子長德選早逝次儀選氏延師教讀寓慈於巖後入成均太學生卒年四十歲守節一十三年同治三年 旌

王氏王賁然妻勤儉持家掩骨骸僱舟船造橋梁修廟宇設粥充饑施茶濟渴家素豐而節彌苦

羅氏儒童王鎮妻年二十夫故善事祖姑並孝養孀姑以紡績助甘旨雖自奉不給而朝夕奉養未嘗稍缺教子有成長化興列膠庠次亦克家存年七十一歲守節四十七年同治四年旌以上係已旌

張氏職員趙魁元妻青年矢志無愧冰霜學使馮嘗給枯桐直心匾額旌之

萬氏生員左濬臨妻二十六歲夫故氏柏舟自矢中年妖折計守節二十五年

宜城縣志

卷八

列女志

二十一

章氏郝昌運妻年二十夫故既無子女又鮮兄弟伶仃孤苦備歷諸艱姑老而善怒氏委曲承順孝養無違繼堂弟泰運子爲嗣教養無異已出俾克成立焉

劉氏梁友庚妻二十六歲夫故氏奉孀姑撫弱子旋夭折氏飲水茹蘗清操自勵守節四十年

王氏陳梅妻二十二歲夫故氏善事翁姑姑病薦親侍湯藥朝夕罔懈家素貧之茹荼自甘子芳林尚幼氏教養兼盡林亦刻苦自勵得列膠庠孫銓亦遊泮前學憲王給節孝可風額旌之

周氏陳朝玉妻二十七歲夫故氏孝事翁姑無子撫姪

爲嗣持家有法守節五十三年

張氏李培元妻二十五歲夫故氏天性孝謹動遵禮法夫染狂疾委曲調護毫無怨言撫姪爲嗣教養無異已出前學憲王給節孝可風額旌之守節七十三年

鄒氏周宗溥妻二十四歲夫故氏貞靜成性事翁姑曲體親心撫幼弟教孤子俾各成立前學憲王旌以節孝流芳額守節三十四年

章氏李拱辰妻二十四歲夫故氏孝事繼母苦節撫孤守節五十五年

張氏羅瀛妻二十四歲夫故氏孝敬純篤教孤謹厚守

宜城縣志

卷八

列女志

三十一

節六十三年

龔氏王世煒妻二十六歲夫故氏孝養孀姑課子成立守節五十五年

龔氏周諧妻二十八歲夫故時翁姑俱老氏勤儉持家養親教子各得其宜守節五十九年

白氏廩生周仁楷妻二十八歲夫故氏負質貞靜翁外教讀姑多疾氏以婦代子孝養備至家素貧勤苦自甘撫育孤子慈嚴並濟子兆莘克遵母教成邑歲貢生守節五十二年

劉氏馬能靜妻二十七歲夫故氏事翁姑養不缺敬撫



王氏武德明妻二十三歲夫故氏孝親勤苦撫育遺孫  
守節三十六年

葉氏姚德璧妻年二十四夫故時夫二弟亦故三娶同  
居形影相弔惟賴氏支持門楣守節十一年竟遭歿  
折人咸哀之

羅氏從九職傅僕妻二十九歲夫故氏孝親盡禮教子  
有方守節五十六年

胡氏丁選妻二十三歲夫故氏節孝撫孤訓子成名守  
節三十九年

王氏劉儀妻二十四歲夫故氏孝事翁姑教子耕讀守  
宜城縣志

節五十八年

卷八

列女志

二十四

吳氏劉旭輝妻二十五歲夫故氏事姑孝謹撫孤勤苦  
守節三十九年

李氏龔梁妻二十六歲夫故氏孝親撫子勤儉興家守  
節七十一年

陳氏監生張世魁妻二十六歲夫故氏孝養孀姑教子  
勤儉守節四十一年

金氏唐繼盛繼妻二十八歲夫故氏孝敬翁姑持家勤  
儉守節三十一年

李氏廖其瑤妻十九歲夫故氏莊淑幽貞寡言笑甘勤



苦孝養翁姑撫教嗣子九稱巾幗完人守節二十九  
年

劉氏王安民妻二十八歲夫故氏撫育幼子教訓有方  
至於成立可為閨闈令範守節四十二年

趙氏監生潘輝斗側室二十八歲夫故氏孝養翁姑勤  
儉訓子守節四十九年以上係已故

張氏望步瀛妻二十一歲夫故氏撫孤事親治家勤苦  
現年五十一歲

甯氏高宏妻二十六歲夫故氏養親誠敬教子儉勤現  
年六十歲

宜城縣志 卷八 列女志 二十五

邱氏王武錫妻二十一歲夫故氏青春勵志白首完貞  
道光七年學憲王給兩世清操額旌之現年六十一  
歲

唐氏楊家鈞妻二十六歲夫故氏孝事翁姑撫嗣成立  
現年五十六歲

鄭氏魏大成妻年二十八而孀家本寒素孝事孀姑甘  
旨無缺謀生紡績教子耕讀後長子秉鈞得食廩餼  
次三俱能克家現年六十三歲

張氏聶先甲妻年二十七歲夫故氏苦節養親撫孤成  
名存年六十一歲

陳氏孫全發妻年二十六夫故氏苦節貞操立嗣承祀  
現年六十歲

孫氏陳萬鑑妻年二十七夫故氏苦節事親教子成立  
現年七十歲

任氏屈功迪妻二十三歲夫故氏節孝中禮撫嗣孤苦  
現年六十八歲

蕭氏張珍妻二十五歲夫故氏勤苦自勵義方撫孤現  
年六十九歲

朱氏譚應卓妻二十二歲夫故氏孝盡翁姑教嚴孤子  
現年六十五歲

宜城縣志

卷八

列女志

二十六

李氏張德俊妻二十八歲夫故氏節孝兼全撫孤勤苦  
現年六十九歲

吳氏郝元運妻年二十二夫故氏甘心食貧竭力養親  
撫侄為嗣以養以教至於成人現年六十歲

王氏孫輝昭妻年二十二夫故氏孝養孀孀勤課孤孫  
現年六十一歲

陳氏熊文光妻年二十夫故氏善事翁姑勤儉與家撫  
侄聲明為嗣教養成立現年五十六歲

李氏庠生易大章側室年十八夫故氏素性貞靜奉姑  
事嫡俱委曲承順撫立嗣子不顯得遊泮水現年六

十歲

王氏蕭諒妻二十六歲夫故氏節孝艱苦撫養遺孫現年八十三歲

潘氏尚必富妻二十三歲夫故氏苦孝孀姑撫孫成立守節四十二年

毛氏胡學簡妻二十八歲夫故氏苦節孝親勤儉撫孤存年七十八歲

何氏李延歡妻二十四歲夫故守節三十四年身故媳何氏長子前修二十五歲而孀現年六十一歲姑媳苦志撫教嗣子允推一門雙節

宜城縣志

卷八

列女志

三七

龔氏李慎修妻十九歲夫故氏孝養孀姑苦撫嗣孫存年六十五歲

周氏黃灼妻二十二歲夫故氏苦節撫孫素嫻禮法現年六十六歲

孟氏張永立妻二十四歲夫故氏謹事孀姑教養嗣子存年五十九歲

趙氏馬義側室二十八歲夫故氏養親教子勤苦持家存年六十五歲

雷氏胡大位妻二十五歲夫故氏善事翁姑起家勤儉存年八十四歲

鄒氏柯大鏞妻二十四歲夫故氏秉性賢淑事姑孝謹  
教子成立現年五十四歲

敖氏劉其琢妻二十九歲夫故存年八十一歲媳紀氏  
子昌隆妻二十五歲夫故守節二十六年卒氏姑媳  
雙清訓子有方無愧嗣音

王氏庠生吳如金妻二十八歲夫故氏孝事翁姑勤儉  
興家立侄爲嗣俱能成立現年六十四歲

胡氏龔西華妻年二十五夫故撫子子安成立現年六  
十三歲凡姑之寢膳猶必躬親以盡婦職

駱氏李勳功妻年二十四夫故遺孤尚在襁褓家貧親  
宣城縣志

卷八

列女志

二十六

老一身拮据生事死葬克盡其職守節三十五年

王氏李鳳才妻年二十三夫故遺腹子家福氏苦志撫

孤以教以養母而兼父家福入邑庠守節三十八年

王氏沈加和妻年二十一夫故苦節撫孤事翁孝養存  
年五十五歲

楊氏胡大本妻二十三歲夫故家赤貧矢志不渝戚鄰  
見其饗飧不繼謀改嫁之已於里中富室有成議矣

迎者在門氏踰墻走丐食月餘始歸至今操守凜然

傅氏蕭元甲妻二十八歲夫故現年七十六歲媳王氏  
子科揚妻二十一歲夫故現年五十八歲氏姑媳雙

節勤苦持家族黨咸欽其高行

龔氏曾學年妻十八歲夫故氏青年矢志撫孤成立存年五十二歲

雷氏陳貞文妻十九歲夫故氏孝養孀姑守義立嗣存年五十五歲

袁氏周仁照妻二十四歲夫故氏秉性貞淑苦節自甘存年五十四歲

黃氏生員孫秉忠妻二十九歲夫故氏守節賙貧教子勤學存年七十五歲

孔氏文童王培楹之妻年二十五歲夫故氏矢志堅貞

宜城縣志

卷八

列女志

二十九

持家勤苦存年六十四歲

胡氏監生蕭光斗妻年二十九夫故氏撫孤成名勤儉持家存年七十一歲

龔氏李作楷妻二十七歲夫故氏素嫻禮義事畜曲盡存年七十三歲

姜氏六品軍功李文超妻二十四歲夫故氏持家勤苦教子義方存年五十一歲

李氏庠生鄒作霖妻二十五歲夫故氏秉性孤貞甘心淡泊茹蘖飲冰撫孫成立現年六十五歲

楊氏劉金科妻二十一歲夫故時大姑在堂氏孝養無

違後事翁姑亦如之人皆稱爲真孝婦存年五十四  
范氏朱伯妻二十七歲夫故氏教子成立不使稍有非  
爲存年六十二歲

毛氏李楨妻二十四歲夫故時姑老子幼氏獨力任事  
畜人稱無間媳夏氏化母之德亦能青年矢志

范氏王允成妻遯事翁姑孝稱無間年二十七夫故三  
孤俱襁褓氏矢志撫育俾克成立次子道和入邑庠  
其哀感薦摯老猶不衰竟至喪明人皆矜之

陳氏黎紀妻二十一歲夫故媳雷氏二十四歲夫故姑  
媳苦節孝義兼全兩世全貞人共欽之以上係現存

宜城縣志

卷八 列女志

三十

以上俱係本年赴學呈報加看牒轉

鄒氏庠生王端書妻年二十九夫故遺子炳輝氏苦節  
自甘孝事翁姑義方教子翁姑旋相繼歿氏喪葬盡  
禮次子輝名列太學學使王給匾旌獎長孫培璋因  
力學致疾卒妻王氏二十而孀矢志柏舟克繼氏節  
待旌

朱氏嚴本仁妻夫故三年之喪畢時夫弟亦完婚氏卽  
自縊以殉

黃氏監生李自厚妻嘗捐資設義學以孫文銘 馳封  
宜人守節三十六年

惠氏熊大位妻 易氏州同吳大用妻 范氏黃慶鰲

妻 李氏董環妻 曾氏傅學溥妻 鄒氏職員胡

廷錫妻 劉氏李倫妻 張氏熊士茂妻 周氏萬

朝隆妻 田氏李觀鏞妻 金氏蘇金文妻 武氏

曹天法妻 陳氏楊嗣妻 王氏趙映嵩妻 潘氏

左廷爽妻 杜氏王鯨妻 彭氏葉大安妻 汪氏

王國材妻 以上俱係道光七年學憲王旌獎

李氏金鏞妻年二十四夫故矢志不渝學使賀以操厲

永霜額旌之現年九十歲親見五代孫

張氏邱映昶妻年二十三夫故遺一子甫二歲家素貧

宜城縣志

卷八

列女志

三十一

翁與夫相繼歿氏俱竭力營葬紡織度日撫子成立  
現年六十一歲

熊氏陳鏡妻年二十三而孀遺子三歲夫幾歿折立存

承祧不幸又故氏孤苦守志現年六十六歲

黎氏朱朝德妻年二十一夫故遺子甫五月氏青年守

志孝事翁姑不以貧廢養撫育幼孤不以慈廢教後

子錦衣列名邑庠守節四十九年身故

以上係咸豐九年沈令批准入志

傅氏葉高斗妻邑南赤山人偶因入市溺於漢氏聞信

沿河泣尋恍惚見夫尺捨身赴援亦死水退後二尸

合流一處去故處三十餘里人以爲異

劉氏陳干蕃妻同治三年髮捻焚殺邑東鄉氏攜三歲兒避亂麒麟寨遇賊逼姦不從賊怒支解之

龔氏龔又煥妻性淑惠識大體夫歿無子撫侄承祧所遺田產以半給侄供禋祀以半充邑賓興邑人欽爲禮宗

李氏劉士遠妻壽享大耋親見五世同堂人爭羨之

按史傳列女凡才德超軼者咸與採錄本不專在節孝今之錄此原非自亂其例也

補遺

宜城縣志

卷八

列女志

三十一

胡氏拔首生龔炯妻二十六歲夫故氏事親盡禮立侄承祀教養有方七十三歲以節終

余氏傅國興妻二十一歲夫故氏孝事翁姑撫孤勤苦卒年七十八歲

阮氏熊楚湘妻二十四歲夫故氏守節勤苦撫孤成立現年五十六歲

張氏王校妻青年守節教子成名長瑩然庠生次毅然從九銜孫塾塾俱邑庠生皆氏力也

李氏蔚開芳妻年十九夫故氏勉作未亡孝養舅姑咸豐七年紅巾賊擾縣西氏負姑避亂姑溺於水氏捨



身援起卒脫於亂現年五十一歲繼侄長輝爲嗣

楊氏周海妻二十二歲夫故氏孝事翁姑持家勤儉現年六十三歲

吳氏袁宗寶妻二十六歲夫故氏孝事孀姑教子成立現年六十四歲

李氏庠生李雲程妻二十九歲夫故氏守節艱苦教子勤勞現年五十四歲

王氏余文獻妻二十七歲夫故氏苦節孝姑撫嗣成立守節三十一年

李氏傅必元妻二十五歲夫故氏事親孝養曲盡教子

宜城縣志

卷八

列女志

三十三

寬嚴相濟守節三十一年卒

丁氏李价妻二十七歲夫故存年七十一歲媳吳氏子  
子常妻十七歲夫故二十八歲身故姑媳雙節人欽  
其操

龔氏羅化章妻二十一歲夫故守節三十年

陳氏李獻修妻二十二歲夫故氏守節勤苦孝事翁姑  
現年五十八歲

鍾氏張友仁妻二十九歲夫故氏孝事翁姑撫孤勤儉  
守節四十八年卒

楊氏沈德倫妻年二十一夫故撫孤成立現年五十歲

王氏李恒斗妻守節三十一年事親孝訓子慈賢淑聞於鄉里

何氏李恒山妻守節三十一年子早妖撫孤孫成立內外肅然人無閒言

謝氏楊有祿妻

張氏王松一妻

宣城縣志

卷八

列女志

三



王姓一妻

王姓一妻

外肅然人無閒言

何氏李恒山妻守節三十一年子早妖撫孤孫成立內外

外肅然人無閒言

王姓一妻守節三十一年子早妖撫孤孫成立內外